

پازار ایرتسی فی ۲۰ ربیع الاخر ۱۳۳۰

وفی ۲۶ مارت ۱۳۲۸ سنه

## || جمعیت علمیہ اسلامیہ نک ناشر افکاریدر ||

|                     |                        |                        |
|---------------------|------------------------|------------------------|
| مدیر مسئول          | سر محرر :              | صاحب امتیاز :          |
| مکتب قضاة معاملرندن | فاتح مجیز درس عاملرندن | فاتح مجیز درس عاملرندن |
| کایسلی              | توقادلی                | نصوح افندی زاده        |
| منیر                | مصطفی صبری             | مصطفی عاصم             |

### مندرجات

|              |                                   |
|--------------|-----------------------------------|
| م . عاطف     | بر محمد طاسلاغی                   |
| ابن الرحی    | اسلامده حاکم                      |
| احمدنجائی    | جرمدن سکوت                        |
| محمد عاطف    | مدنیت شرعیہ                       |
| طاہر المولوی | شام فتوحاتی                       |
| صادق خلوصی   | اسکچہ انتخابتندہ قبادای ادہم روحی |
| ادبیات       |                                   |
| عباس لطفی    | جہاد مقدس                         |
| ع . طیار     | ادبی باغچہ لرسکوت نہ دیمکدر؟      |
|              | » » هنر نہ دیمکدر؟                |
| متفرقه       |                                   |
|              | اجمال حوادث — زوالی فاس!!         |
|              | مصر قاضیانی                       |

### اعلان

نسخہ سی ۱ غروش

آبونہ اجرتی ( پوستہ اجرتیہ برابر در )

مالک اجنبیہ ایچون :  
۱۳۰۰ فرانک  
» ۶,۵۰

استانبول وولایات ایچون :  
بر سنہ لکی ۵۰ غروش  
آلی ایلگی ۲۵ »

درج اولنیمان اوراق اعادہ ایدلمز

قارئلر مزہ

اکثر مقالاتہ آیات کریمہ واحادیث نبویہ درج ایدلمش بولندینی نظار اعتبارہ آلہرق رعایتسر لکده بولنامامسی رجا اولنور .

[ نوسبع طباعت ] محمد حلمی وشرکاسی عدلیہ خانی نومرو ۱۹



پازار ایرتسی کونلری نشر اولنور دینی، ادبی، سیاسی وفنی هفته لق غزتهدر

کونش ایلاک اول شرق افقلرینی زرین ضیالر ایچنده  
براقدرینی کبی مهر لطیف اسلامیت ده آفریقانک ایلاک اول  
شرق طرفلرینی پرتولره مستغرق ایلش ایدی .

نشر ایلدیکی شعثه عدالتله علویتنی هرکسه تسلیم  
ایتدیرمش اولان حضرت فاروقک زمان خلافتنده اعزام  
بیوریلان درت بیک قدر مجاهددن متشکل کوچک براردو  
قدسیت اسلامیه سایه سنده مصری فتح وتسخیر ایلش ؛  
شعاع دلپذیر اسلامیت تا طرابلس غرب صولرنده موج نمای  
ظهور اولغه باشلامشدر . نور اسلامیت کوندن کونه  
قوة اتساعیه سنی تزئید ایتدیکه ایدیور ؛

ظلام ضلالت ایچنده خط حرکتنی غائب ایده رک  
هرطرفه چان آتان برکتله عظیمه بردن بره شعاعات علویه  
دینه دن اقتباس فیض ایله رک ساحه هدایتیه واصل اولمقده  
بولنیوردی .

هله شرقدن باشلایه رق بحرسفیدک ساحل لطیفنده

## آفریقاده اسلامیت

کره ارض اوزرنده آمریقادن باشقه هیچ بر قطعه یه  
تصادف اولنه ماز که اوراده اسلامیت تجلی ایتش اولماسون .  
سمای اسلامیتدن انتشار ایدن سعادت نورلری هر طرفی  
یالیزلر ایچنده براقش . لطافت سماویه سیاه عالم انسانیتک  
بر چوق قسملرینی تزین وتنویر ایلمکده بولمیشدر . ایشته  
بوجه دندرکه کوبه اسلامیت جزیره العربده بارلاریارلاماز  
درحال ضیای لاهوتیسندن آفریقا قطعه سی دخی مستنیر  
اولش ؛ بویوک قطعه نک هر طرفنده انوار هدایت موج  
ایلمکده باشلامشدر .

ذاتاً قابلمیدرکه ؛ . بر نیر حقیقت اولانجه تجلیاتیه  
هرطرفه اشعه نثار اولدینی حالد آفریقا قطعه سنی لمعه  
تجلیسندن محروم براقش اولسون .

ایکي مثله معادل اولان . وهر درلو بدایع طبیعیہ جاع بولنان جزائر دخی جزائر بکنک فرانسه سفیری تحقیر ایش اولسی وسیله سیله فرانسه نك مستملكانی عددینہ داخل اولمشر .

آفریقانك منهای غرب شمالیسنده سكرز میلیون نفوسه مالك بولنان فاس حكومت اسلامیه سنه كانجه بتون بتون عالم اسلامتی متأثر براقه جق بر حال اضطرابه و عروضدر . بومستقل اسلام حكومتی اولسون متمدن ! . آوروپالیرك احتراصات خسیسه سیاسیه لرندن مقصون قالمامش . عاقبت استقلالنی غالب ایدهرك وثیقه اسارتی كندی الیه امضالامش فرانسه نك حمایه سنی قبوله مجبور اولمشر .

بوكون برصورت ماعرانه ده وضع ایدیلن بوحایه لر فتح آینك برطرز نزاكتكار یسندن باشقه برشی اولمدینی معلومدر واقعا آوروپالیرك حمایه وضع ایتدیکی ، مستعمرات اتخاذا ایلدیکی بعض ممالك اهالیسی واردركه بونلر ذكی ، چالیشقان قیمت حاكمین تقدیر ایدر اولدقلرندن البته كه بركون اتهاز فرصت ایدهرك حامیلیرك باشنه بلا كسیله جك : مقید اولدقلری زنجیر اسارتی پارچه لایه رق نعمت حریت واستقلاله نائل اوله جقلردر . عجبا ! . تحت حمایه ده بولنان اقوام اسلامیه ده بویله میدر ؟ . هیات كه ! . حالا عائله اسلامیه آردسنده تمام بر اثر انتباه كورولمور : اكر اسلاملر دشمنلیرك منویاتی كشف ایتسه ایدیلر : اكر اسلاملر قارشولرنده اولانجه عظمت و شكوه ایله یوكسوب كوندن كونه كسب جسامت ایدن حكومتلرك ترقیات سربعسندن متنبه اوله رق ال برلكیله چالیشه ایدیلر بوكون بوسقوط الیه ، بواضحلال حزینه دوچار اولورمی ایدیلر ؟ .

ایشته بوتون موحدینك یوردكلینی صیرلاده جق : بتون متفكرین مسلمینك قبلیرنی پارچه لایه جق قدر خجیع الیم اولان بوفلا كتلر بتون بزم غفلت وجهالتزدن ، بتون بزم اداره خصوصنده کی تكاسل و مسامحه لر مزدن نشئت ایش برر حقیقتدر .

بولسان قسم شمالیدن منهای غربه دكین هرطرف حوضه اسلامیه داخل اولمش ایدی . حیفاكه ! . برسرعت برقیده هرجهتی تنویر ایدن قوه معنویه اسلامیه برمدت صوكره انكساره یوز طوندی : بدیعه اسلامیت اولانجه التماعالیله متجلی اولدینی حالده اسلام حكومتلری بوندن بمحق استفاده ایده مدی ! مسامانلرك تحت حاكیمتده بولنان مملكتلر برر برر الدن حقیقمغه باشلادی : اجداد كرامتك متانت دینیه ، علوبت فطریه لری سایه سنده فتح و تسخیر اوله رق مدنیت اسلامیه نك برر جلوه كاه منوری اولان پارچه لر آرتق دشمنلرك آغوش اشتها سنده كورینیور : متفكرین ملت ایدیا كریه بار اضطراب اولمغه باشلابوردی .

بركره آفریقا قطعه سنك شرق ، شمال ، غرب حوالیسنه عطف لحاظه دقت ایدرایسه ك كوریرزكه : برزمانلر آفریقانك اك متین ، اك پارلاق بر حكومت اسلامیه سی اولان زنكبار مملكتی اداره سرك یوزندن ، داخلی ظهور ایدن اغتشاشات یوزندن آوروپالیرك احتراصات سیاسیه سنه قریبان اوله رق انكلتره نك تحت اداره سنه كیرمشر . ادوار ابتدایه دنبری نیل مبارك سایه سنده اك نورانی مدینلرك مهد ظهوری اولان ، آفریقانك اك منبت ، اك فیضناك بر پارچه سی اوله رق هر كونه ترقیات مدنیه و صناعیه مستعد بولنان مصر مملكت اسلامیه سی دخی انكلتره نفوذ سیاسی و اقتصادیسی آلتنه كیردرك عالم اسلامیتك انحطاط خجیغه قارشو نظره تأتراتی عطف ایلكدده بولمشر . بحر سفیدك سینئه نورایتنه التجا ایدهرك بر مالكه دریا كی رونمای صفوت اولان طرابلس غرب ایسه مدنیت دشمنی ، حقوق علویه بشریه نك ماحی ، یكانه سی بولنان برملت غاصبه نك هجوم وحشیانه سنه معروض قالمش ، عفریتلرك نچه تجاوزینه اوغرامش بربری لطافت كی كرفتار مظالم اولمشر .

قیمتدار معدنلریله ، لطیف لطیف اورمانلریله ، بر خزینه ثروت اطلاقه لائق اولان تونس ایالتی هیچ برحه مستند اولیه رق فرانسه نك تحت اشغالنده بولندینی كی فرانسه نك

یازق دکیدرکه؟. اوج یوز ملیون نفوسه مالک بولنان  
عالم اسلامیت : انسانیت دشمنلرینک پنجه قهرنده زبون  
اولسون؛ یازق دکیدرکه؟. اوتوز قرق ملیوندن عبارت اولان  
انکلیر ملتی حسن اداره سیله ، عقل و کیاسیله کره ارض  
اوزرنده یاشایان افراد بشریه نك ربی اوزرنده اجرای  
حاکمیت ایلسونده اسلاملر جهالت و عظالت یوزندن ؛  
اداب ملیه و وظائف اسلامیه واجتماعیه لرینه رعایتسزک یوزندن  
هردرلو غایع شئونه معروض بولنه رق حیات سیاسیه لرینه  
ختمه چکسونلر ! .

ایها المسلمون ! . نه وقت انتباه ایده جکزر ؟ نه وقت  
قومشولرمزک ترقیات خارق العاده سنی کوردرک بر اثر حیات  
کوستره جکزر ؟ . حالامی اقوام سائرهنک ترقیات فنیه سنی  
تکملات اقتصادیه و سیاسیه سنی برافه رق اخلاق ردینه  
و آداب مضره سنی مملکت مزه ادخاله چالیشه جغز ؟ .  
امین اولهلم که : احوال سفیلانه مزی تماشا ایدنلر ؛  
عظالت روحیه مزه انفاذ نظر ایلینلر بزى تعیب ایده جک ؛  
تاریخ :

بردولتی ایتش ایدی تخریب زمانه  
محتاج ایدی احیای وطن سعی مزیده  
هیات که ! . ظالمشلا ایدی خواب کرانه  
آغوش عظالتده هپ انسال جدیده  
معروض ایدی هر ناصیه بر حزن شدید

نشیده لر یله حق مزده مرثیه خوان تأثر اوله جقدر .


غریبلرک رقابت سیاسیه و اقتصادیه سی کوندن کونه  
تزاید ایدیور. دائره نصرانیتدن خارج اولان اقوام  
وحشی، نیم متمدن عد ایدیلرک اللرنده بولنان اراخیده کی  
حق ملکیت و حاکمیتلری اعتراف ایدیلور. قوجه حق شناس  
آوروپالیر ! . هر طرفه مدنیت نصرانییه ادخاله چالیشهور ؛  
دها طوغریسی منافع خسیسه و اغراض سیاسیه لرینی برر  
بوشیده ریا آتنده سترایده رک هرکسک قاتنی ائمک ایستورلر.  
برزمانلر کندینه عالم اسلامک حامیسی سوسنی ویرمک

ایستهین بر بیوک ایمراطور : آفریقاده کی مستملکاتنده  
بولنان اسلاملرک توسع و ترقیسی کندى منافع سیاسیه سینه  
مانع کوردرک اسلامیتک انتشار و اتساعنه مانعلر تشکیلنی  
امر ایدیور . دیگر بر خطیب ایسه صندالی خطابتی  
اطرافنده طوپالانان متمدن اوروپالیرله قارشو : بوکون  
شوکت سیاسیه اسلامیه مضمحل اولمشدر. ینلرنده وحدت  
سیاسیه واجتماعیه دن اثر قلاممشدر . دیه تبشیرات مهمده  
بولنیور. بیچاره اسلاملر ایسه حالا اویور ! . حال اغفلت  
و عظالت ایچنده قالمش بر بر یله اوغراشوب طور بیور .

آه ! . برکون اوله جقمی که سطوت قدیمه اسلامیه یینه  
اولانجه نورانیتله پارلاسین پارلاسین ده بتون جهان انسانیت  
حقیقی بر مدنیتک نهدن عبارت اولدیغنی آکلاسون ؟ .  
فقط امینم که شمس منیر اسلامیت هیچ بروقت دوچار  
کسوف اولمایه جقدر. اسلامیت وقت وقت نورینک انتشارینه  
حائل اولمغه چالیشان بلوطلری پارچه لایه رق التاعات لطیفه سیله  
کوزلری قامشدر مرقده دوام ایدوب طوره جقدر .

ارض و ملی

عمر نصوحی



## مدنیت شرعیه ، ترقیات دینیه

مابعد :

عدلاک اساس ملک و دولت اولسنک سببی و حکمتی شودر که :  
بر مملکتده رعایانک کسب و کارده سعیلرینک درجه سی او  
مملکتده ظلم و جورک مقدارینه کوردر. اگر ظلم تعدی بالعموم  
تبعیه شامل ایسه هرکس ماللرندن ، جانلرندن ، عرض  
و ناموسلرندن امین اوله میه جقلری جهته کسب و کاردن  
رغبتری کسیلوب طاب معیشت ایچون بشقه مملکتله  
کیتمکه مضطر اولورلر. بصورتله او مملکتده نظام معیشت  
فساده اوغرا دلش اولور .